



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisije za pitanja mladih i ravnopravnost polova**

**Datum: 12.12.2019. godine**

**ZAPISNIK**

sa sastanka Komisije za pitanja mladih i ravnopravnost polova održanog dana 12.12.2019.godine u Sali Općinskog vijeća, s početkom u 15:30 sati.

Prisutni: Alisa Ramić-Dudić, Elma Ćeman, Fahira Kašibović, Alma Hadžan i Muhamed Agić.

**DNEVNI RED**

1. Izvještaj sa Panel diskusije Žene u društvenom i političkom životu koja je organizovana u okviru projekta Žene na izborima u BiH kojeg realizira UNDP-i u BiH, a finansira Vlada Švedske i u okviru projekta Više od kvote kojeg realizira Westminster fondacija za demokraciju.
2. Informacija o održanom sastanku u Sarajevu, organizovanog od strane UNDP-I u BiH, a povodom izrade lokalnog Gender akcionog plana.
3. Dogovor oko organizovanja Panel diskusije sa mladim poduzetnicama iz Tešnja.

**Ad.1**

U okviru projekta Žene na izborima u BiH kojeg realizira UNDP-i u BiH a finansira Vlada Švedske i u okviru projekta Više od kvote kojeg realizira Westminster fondacija za demokraciju, u subotu 07.12.2019.godine u Društvenom centru Dobropolje-Mekiš održana je Panel diskusija na temu Žene u društvenom i političkom životu. Komisija za pitanja mladih i ravnopravnost polova je uključena u projekat Žene na izborima u BiH, te u realizaciju navedene aktivnosti. Član Komisije Elma Ćeman je bila moderator Panel diskusije zajedno sa Eminom Brka. Učesnice Panel diskusijesu bile: Adisa Kokić Hinović - zastupnica u Predstavničkom domu FBiH, Almina Alagić – direktorica Opće Biblioteke Tešanj, Ermina Salkičević-Dizdarević – direktorica prodaje i marketinga Madi d.o.o. Tešanj i bivša zamjenica ministra vanjske trgovine i ekonomskih odnosa BiH i Munevera Alić- vijećnica u Općinskom vijeću Tešanj.

**Zaključak**

Potrebno je više ovakvih događaja koji govore o položaju žena i njihovoj ulozi u političkom životu. Potrebno je raditi na osnaživanju ženske solidarnosti i osnaživanju uloge žena u politici.

**Ad.2**

Dana, 04.12.2019.godine u zgradi UN House, Sarajevo, održan je konsultativni sastanak za izradu lokalnog Gender akcionog plana. Planirano je da općine koje učestvuju u projektu Žene na izborima u BiH dobiju konsultanta za izradu LGAP, te da ce se u januaru oformiti radna grupa. Prisutni ispred Komisije su bili: Muhamed Agić, Alisa Ramić-Dudić, Elma Ćeman I kao koordinator projekta ispred Općine Tešanj Hasan Plančić.

U prilogu ovog zapisnika je i zapisnik sa održanog sastanka iz Sarajeva kojeg smo dobili od kolega koj vode projekat Zene na izborima u BiH.

**Ad.3**

U okviru projekta Žene na izborima u BiH kojeg realizira UNDP-I u BiH a finansira Vlada Švedske planirano da je da se organizira Panel diskusija o mladim poduzetnicama iz Tešnja. Planirano je da panelistice budu: Suada Mujkić, Sumeja Turkić, Jasmina Handžić i Amela Mrkonjić Kulovac.

Vrijeme održavanja: subota 21.12.2019.godine u Društvenom centru Mekiš Dobropolje. Moderatorice ce biti Alisa Ramić Dudić i Emina Hasanbasić.

Sastanak završen u 16:30h

Zapisničar: Elma Ćeman

22 PREDSTEDNICA KOMISIJE

Alisa Ramić-Dudić



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisije za pitanja mladih i ravnopravnost polova**

**Datum: 22.11.2019. godine**

## **ZAPISNIK**

sa sastanka Komisije za pitanja mladih i ravnopravnost polova održanog dana 22.11.2019.godine godine u Sali Općinskog vijeća, s početkom u 15,30 sati

Prisutni: Hadžan Alma, Kašibović Fahira, Ćeman Elma, Agić Muhamed i Ramić-Dudić Alisa.

### **DNEVNI RED:**

1. Dogovor oko organizacije panel diskusije u okviru projekta „Žene na izborima“
2. Informacija o organizovanju konsultativnog sastanka UNDP-a za „Gender akcioni plan“.

#### **Ad.1**

Nakon razmatranja pitanja iz okvira projekta UNDP-a i Švedske ambasade „Žene na izborima“ općine Tešanj, članovi Komisije su jednoglasno usvojili

#### **Zaključak**

1. Komisija za pitanja mladih i ravnopravnost polova kao učesnica projekta „Žene na izborima“, će organizovati panel diskusiju na temu „Žene u društveno-političkom životu“, a termin održavanja planirati za 07. ili 08.12.2019.godine u Sali Općinskog vijeća Tešanj.
2. Obavezuju se članovi Komisije da predlože paneliste – žene iz različitih političkih stranaka, privrede i nevladinog sektora, kako bi se sa istim obavio razgovor u vezi s tim.

#### **Ad.2**


Predsjednica Komisije je prisutnima sopštila da su pozvani da dana 04.12.2019.godine u okviru projekta „Žene na izborima“ prisustvuju konsultativnom sastanku, zajedno sa još deset općina, u vezi izrade lokalnog gender akcionog plana. Sastanak će se održati u UN zgradi u Sarajevu.

Nakon diskusije, Komisija je jednoglasno usvojila

#### **Zaključak**

Da predsjednica Komisije Ramić-Dudić Alisa i zamjenica Ćeman Elma i član Muhamed Agić prisustvuju konsultativnom sastanku u vezi izrade gender akcionog plana u okviru projektu „Žene na izborima u Bosni i Hercegovini“

Sastanak završeni u 16,10 sati.

  
**PREDSJEDNICA KOMISIJE**  
Ramić-Dudić Alisa



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanja mladih i ravnopravnost polova**

Broj: 01-49-2-1994-4/19  
Datum: 26.10.2019.godine

## **Z A P I S N I K**

### **Okrugli sto na temu "Mogućnost i perspektive mladih u lokalnoj zajednici".**

Komisija za pitanja mladih i ravnopravnost polova je dana 18.10.2019. godine na web stranici općine objavila poziv kojim poziva sve zainteresovane mlade i one koji rade sa mladima da prisustvuju i učestvuju na Okruglom stolu na temu "Mogućnosti i perspektive aktivizma mladih u lokalnoj zajednici".

Okrugli sto je održan kako je i planirano dana 26.10.2019 godine u sali Općinskog vijeća Tešanj sa početkom u 11:00 sati.

Program je vodila Komisija za pitanja mladih i ravnopravnost polova kao organizator, uz pomoć gostiju predavača iz relevantnih područja lokalnog aktivizma za mlade i predstavnika Općine Tešanj: Senad Subašić, predsjedavajući Općinskog vijeća, Nedžad Unkić i Mirnes Dedukić, uposlenici Općine i tehnička podrška Sajda Klepić.

Ispred mladih koji su uz pomoć Općine pokrenuli vlastiti biznis: Muhamed Brka.

Moderatorica je bila Alisa Ramić-Dudić.

**Ciljevi Okruglog stola** su bili: upoznavanje mladih sa mogućnostima aktivizma u lokalnoj zajednici, razmjena ideja i razgovor o potrebama, problemima i potencijalima mladih.

### **Prisutno je bilo ukupno 29 učesnika .**

Predstavnici Komisije za pitanja mladih i ravnopravnost polova OV Tešanj: Ramić-Dudić Alisa, Agić Muhamed, Alma Hadžan, Fahira Kašibović i Čeman Elma.

Predstavnici Općinskog vijeća Tešanj: Senad Subašić Predsjedavajući i Kurtić Amir OO SDA Tešanj i Sajda Klepić, teh.sekretar Vijeća

Predstavnici Općine Tešanj: Suad Huskić, Općinski načelnik, i saradnici, prezentatori Nedžad Unkić i Mirnes Dedukić.

Predstavnica JU „Opća biblioteka“ Tešanj: Almina Alagić direktorica

Mladi poduzetnici, volonteri, pripadnici organizacija: Brka Muhamed, Hodžić Anesa zaposlena, Edita Mujezinović volonter, pripravnik, Hodžić Armina, nezaposlena, Hasanbašić Emina, volonter u Općini, Turkić Sumeja, nezaposlena, Hrvić Ernad, Organizacija mladih SDP BiH, Bahtić Adnan, ASO BiH, MreVuk, Amil Čorić, ASUBiH, Bahtić-Omić Adisa AM SDA Tešanj, Tatarević-Agić Emina, zaposlena, Brka Emina zaposlena

Učenice srednje škole: Davorović Adelisa, Dajdić Dalila, Alagić Almina, Čemanović Alma i Agić Amela

## Realizacija

Okrugli sto je započeo sa uvodnim obraćanjem moderatorice Alise Ramić-Dudić i obraćanjem načelnika Općine Tešanj Suada Huskića i predsjedavajućeg Općinskog vijeća Tešanj Senada Subašića.

Nakon toga, uslijedilo je predstavljanje svih učenika i prezentacije uposlenika općine Tešanj.

**Mirnes Dedukić** je u svojoj prezentaciji govorio o aktivnostima i podršci Općine Tešanj i ciljevima Strategije razvoja općine Tešanj kada su u pitanju mladi u biznisu. Informisao je prisutne o projektu Biznis Start up, prijavama za novi biznis, novim poduzetnicima...i na kraju poručio mladima da Općina podržava projekte mladih, ali također da je potrebno da se i mladi aktiviraju i da apliciraju na pozive koje Općina raspisuje.

**Nedžad Unkić** je izvršio prezentaciju podrške koju Općina tešanj pruža mladim ljudima svih starosnih dobi, od najmladjih, iz vrtića, do zrelih svršenika škola kojima je potrebna podrška za upošljavanje. Prezentovao je i programe edukacija koje Općina organizuje po raznim segmentima, kao i ciljeve zacrtane strategijom razvoja Općine Tešanj. Mladi ljudi su kroz prezentaciju predstavljeni kao vrijedan resurs, a naponi Komisije prepoznati kao pozitivan pomak u afirmaciji potreba mladih i iznalaženju najboljih rješenja za podršku mladim u svim segmentim

**Prisutni su diskutovali** koliko su mladi aktivni u lokalnoj zajednici, na koje probleme nailaze i kako im Općina može pomoći u realizaciji projekata i aktivnosti.

**Muhamed Brka**, dipl. fizioterapeut je istakao da je svoj biznis započeo uz pomoć Općine, Biznis start up projekat i da njegov biznis traje već 4 godine. Ima dvije zaposlene osobe i 4 osobe koje su na praksi.

**Direktorica biblioteke Tešanj Almina Brkića** istakla je da je potrebno da se mladi bave aktivizmom i volonterizmom. Da je potrebno da učestvuju u aktivnostima kako bi imali informacije.


**Emina Brka**, menadžer društvenog centra Mekiš je predstavila aktivnosti društvenog centra i projekte koje se realizovala uz pomoć Općine.

## Zaključci:

- 1) Komisija za pitanje mladih i ravnopravnost spolova Općinskog vijeća Općine Tešanj je usješno realizovala organizovanje Okruglog stola s mladima iz Općine Tešanj.
- 2) Mladi s područja Općine Tešanj su upoznati s radom Komisije i radom nadležnih službi općine Tešanj kada su u pitanju projekti za mlade i nevladine organizacije.
- 3) Općina podržava projekte mladih, ali je potrebno da se i mladi aktiviraju i da apliciraju na pozive koje Općina raspisuje. Mladi moraju da budu aktivni, kreativni i da predlažu inicijative
- 4) Svi prisutni su se složili da ovakvih diskusija treba mnogo više u našem gradu i da će u narednom periodu organizovati još ovakvih događaja.

Završeno u 12,40 h.

Zapisnik vodila  
Elma Ćeman





**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanja mladih i ravnopravnost polova**

---

Datum: 10.10.2019.

**Predmet: Zapisnik sa Sjednice Komisije za pitanja mladih i ravnopravnost spolova**

7. Sjednica je održana 10.10.2019. godine, u novoj sali OV u 15.15h  
Prisutni su bili članovi Komisije: Alisa Ramić – Dudić, Muhamed Agić i Elma Ćeman.  
Odsutne su: Alma Hadžan (porodiljsko odsustvo) i Fahira Kašibović.

Napomena: Zapisnik vodi Alisa Ramić – Dudić.

**DNEVNI RED:**

1. Usvajanje Zapisnika sa prethodne Sjednice,
2. Izvještaj predsjednice Komisije, Alise Ramić – Dudić, o obavljenim sastancima u PS Tešanj i Centru za socijalni rad,
3. Dogovor oko organizacije okruglog stola sa mladima,
4. Razno.

**REALIZACIJA:**

Ad 1. Zapisnik sa prethodne Sjednice Komisije je nakon uvida usvojen jednoglasno od strane svih prisutnih članova.

Ad 2. Predsjednica Komisije Alisa Ramić – Dudić je izvijestila je prisutne članove o sastancima koje je ispred ove Komisije održala u prethodnoj sedmici.

U srijedu, 2.10.2019. održan je sastanak sa inspektorima MUP-a ZDK, PS Tešanj, u 11h. Sa inspektorom Amirom Srkalovićem i još 2 prisutna inspektora razgovarano je o nasilju u porodici i prestupima mladih. Kada je u pitanju nasilje u porodici, stanje je krajnje ozbiljno, jer se pretpostavlja da je više naprijavljenih slučajeva, nego prijavljenih. Osim toga, 1/3 žrtava prijavljenog nasilja povuče prijavu. U 2017. je bilo 16, u 2018. godini 16, a u prvih 9 mjeseci 2019.godine 12 slučajeva porodičnog nasilja koje je procesuirano zbog težih posljedica. Naglašeno je da nasilje u porodici nije socijalno determinisano ( ima ga i u dobro situiranim, i u siromašnim porodicama, a takođe i među obrazovanim i manje obrazovanim ljudima). Zajednički se došlo do zaključka da se pokrene inicijativa o izgradnji sigurne kuće, te da se napravi strategija za borbu protiv nasilja u porodici u okviru koje bi se organizovala i kampanja prevencije, ali i osnovalo neko koordinaciono tijelo za borbu protiv nasilja u porodici (policija, Dom zdravlja, Centar za socijalni rad, sud).

Što se tiče problematike mladih, istaknuti su slučajevi:

- Mladi kao direktne ili indirektne žrtve nasilja u porodici,
- Mladi kao akteri vršnjačkog nasilja (posebno cyberbullying)
- Ovisnost među mladima (narkotici, kocka).

Predloženo je pokretanja edukativne kampanje jer se malo radi na prevenciju svih ovih slučajeva. Predsjednica Komisije je zamolila da se pošalje i pismeno očitovanje PS Tešanj o pitanjima koja su od posebnog interesa za Komisiju.

Sastanak sa direktoricom Centra za socijalni rad, Tešanj, Sabrijom Kavazović, je održan u četvrtak, 3.10.2019. u 10h. Sastanku je prisustvovao Amir Prnjavorac, referent za maloljetničku delinkvenciju i nasilje u porodici.

Nakon razgovora o problemima sa kojima se ovaj centar susreće, istaknuto je najvažnije:

- Veliki broj prijavljenih slučajeva nasilja u porodici ukazuju na potrebu osnivanja bračnog savjetovašta i sigurne kuće. Ta sigurna kuća bi mogla biti „otvorenog tipa“, pa čak i uz zajedničko sufinansiranje 4 susjedne općine.
- Iako bi zakonski morala da ima, općina Tešanj nema potpisan Protokol o saradnji ni sa jednom sigurnom kućom.

Kao posebni problemi istaknuti su:

- Ostvarivanje prava na naknadu za nezaposlene porodilje (zakonski cenzus je minimalno primanje od 370 KM, dok je minimalna plata 420 KM. Po tome nijedna porodilja ne može ostvariti to pravo, ako ima zaposlenog člana porodice.)
- Imamo lica bez ikakve zdravstvene zaštite (iz različitih razloga skinuti sa evidencije biroa za zapošljavanje, a nisu zaposleni).
- Birokratski problemi za ostvarivanje prava na dječiji dodatak.
- Sve veći broj mentalno oboljelih mladih ljudi, što je povezano sa posljedicama rata, nasiljem u porodici, disfunkcionalnim porodicama, ovisnostima,...

Predlaže se osnivanje koordinacionog tijela za saradnju Centra za socijalni rad, policije, Centra za mentalno zdravlje, bolnice.


Ad 3. Kao što je na prethodnoj Sjednici dogovoreno, uslijedili su detaljni dogovori oko organizacije okruglog stola Mogućnosti i perspektive aktivizma mladih u lokalnoj zajednici. Precizirano je da se taj okrugli sto organizuje u subotu, 26.10.2019. u novoj Sali OV Tešanj u 11h. Ispred domaćina, općine Tešanj, učestvovat će Mimes Dedukić i Nedžad Unkić, ispred mladih koji su uz pomoć općine pokrenuli svoj biznis, Muhamed Brka, a moderatorica će biti Alisa Ramić – Dudić. Potrebno je oglasiti održavanje ovog okruglog stola svim udruženjima mladih na području općine, predstavnicima studenata, Vijećima učenika srednjih škola, Asocijaciji srednjoškolaca,...

Ciljevi organizovanja okruglog stola su:

- Upoznavanje mladih sa mogućnostima aktivizma u lokalnoj zajednici,
- Razmjena ideja,
- Razgovor o problemima mladih.

Ad 7. Dodatnih pitanja nije bilo.

Tešanj, 10.10.2019.



Predsjednica:  
Alisa Ramić - Dudić

*Alisa Ramić - Dudić*



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanje mladih i ravnopravnost polova**

Broj: 01-49-2-1994-3/19  
Datum: 18.10.2019. godine

**Komisija za pitanja mladih i ravnopravnost polova  
POZIVA  
sve mlade da učestvuju na Okruglom stolu na temu "Mogućnosti i perspektive  
aktivizma mladih u lokalnoj zajednici"**

Komisija za pitanja mladih i ravnopravnost polova Općine Tešanj poziva sve zainteresovane mlade i one koji rade sa mladima da prisustvuju **Okruglom stolu** na temu "**Mogućnosti i perspektive aktivizma mladih u lokalnoj zajednici**".

**Okrugli sto održat će se 26.10.2019 godine u sali Općinskog vijeća Tešanj sa početkom u 11:00 sati.**

Program će voditi:


**Komisija za pitanja mladih i ravnopravnost polova** kao organizator, uz pomoć gostiju predavača iz relevantnih područja lokalnog aktivizma za mlade i predstavnika Općine Tešanj: Senad Subašić, predsjedavajući Općinskog vijeća, Nedžad Unkić i Mirnes Dedukić, uposlenici Općine. Ispred mladih koji su uz pomoć Općine pokrenuli vlastiti biznis: Muhamed Brka. Moderatorica je Alisa Ramić-Dudić.

Ciljevi Okruglog stola su :

- upoznavanje mladih sa mogućnostima aktivizma u lokalnoj zajednici,
- razmjena ideja,
- razgovor o potrebama, problemima i potencijalima mladih.

**Dostavljeno:**

1. Mediji
2. a/a



**PREDSJEDNICA KOMISIJE**

*Alisa Ramić-Dudić*  
**Alisa Ramić-Dudić**



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanja mladih i ravnopravnost polova**

---

Datum: 26.7.2019.

**Predmet: Zapisnik sa Sjednice Komisije za pitanja mladih i ravnopravnost spolova**

Sjednica je održana 26.7.2019. godine, u novoj sali OV u 9.00h  
Prisutni su bili svi članovi Komisije: Alisa Ramić – Dudić, Muhamed Agić, Elma Ćeman i Alma Hadžan.

Napomena: Zapisnik vodi Alisa Ramić – Dudić.

**DNEVNI RED:**

1. Usvajanje Zapisnika sa prethodne Sjednice,
2. Informacija o dostavljenom mišljenju općinskog načelnika o inicijativi za izradu gender akcionog plana,
3. Inicijativa da izrada gender akcioni plan uđe u Strategiju razvoja općine Tešanj 2018 – 2022.
4. Prijedlog Alme Hadžan o analizi zastupljenosti žena u institucijama čiji je osnivač općina Tešanj,
5. Razmatranje Prijedloga plana rada Komisije,
6. Prijedlog Muhameda Agića o organizaciji okruglog stola „Uspješni mladi ljudi dijele ideje“,
7. Razno.

**REALIZACIJA:**

Ad 1. Zapisnik sa prethodne Sjednice Komisije je nakon uvida usvojen jednoglasno od strane svih prisutnih članova.

Ad 2. Članovi Komisije su upoznati sa dostavljenim mišljenjem općinskog načelnika a vezano za pokrenutu inicijativu o izradi gender akcionog plana. U odgovoru se napominje da je općina Tešanj dio projekta „Žene na izborima“ koji implementira razvojni program UNDP, a u okviru kojeg je planirana i izrada gender akcionog plana.

Ad 3. Predsjednica Komisije Alisa Ramić – Dudić je zadužena od strane članova Komisije da izradi inicijativu i prijedlog da izrada gender akcionog plana bude uvrštena u Strategiju razvoja općine Tešanj 2018 – 2022.

Ad 4. Članica Komisije Alma Hadžan predlaže da se uradi najnovija analiza zastupljenosti žena u institucijama čiji je osnivač općina Tešanj. U tom pogledu treba tražiti informacije od drugih općinskih službi koje sakupljaju te podatke.


Ad 5. Članica Komisije Elma Ćeman je predložila okvirni Plan rada Komisije. Prisutni su se nakon uvida složili da ga je potrebno još malo doraditi i uvrstiti nešto kratkoročnije ciljeve.



Ad 6. Član Komisije Muhamed Agić je predložio da se u narednom periodu organizira okrugli sto „Uspješni mladi ljudi dijele ideje“ sa ciljem podsticanja mladih na pokretanje inicijativa i učešće u projektним aktivnostima. Prisutni su podržali ovaj prijedlog i zadužili Agića da izradi detaljniji projektni prijedlog vezan za tu inicijativu.

Ad 7. Dodatnih pitanja nije bilo.

Tešanj, 26.7.2019.





**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanja mladih i ravnopravnost polova**

Datum: 25.6.2019.

**Predmet: Zapisnik sa Sjednice Komisije za pitanja mladih i ravnopravnost spolova**

Sjednica je održana 25.6.2019. godine, u kancelariji predsjedavajućeg OV u 15.00h  
Prisutni su bili svi članovi Komisije: Alisa Ramić – Dudić, Muhamed Agić, Elma Ćeman, Fahira Kašibović i Alma Hadžan.

Napomena: Zapisnik vodi Alisa Ramić – Dudić.

**DNEVNI RED:**

1. Usvajanje Zapisnika sa prethodne Sjednice.
2. Izvještaj Elme Ćeman sa seminaru „Žene na izborima“.
3. Izvještaj Alise Ramić – Dudić sa obuke u okviru MEG projekta,
4. Razno.

**REALIZACIJA:**


Ad 1. Zapisnik sa prethodne Sjednice Komisije je nakon uvida usvojen jednoglasno od strane svih članova.

Ad 2. Podpredsjednica Komisije Elma Ćeman je prisustvovala seminaru „Žene na izborima u BiH“ koji se održao u Neumu, 20. i 21- juna 2019.godine, u organizaciji UNDP i Vlade Švedske. Održana je diskusija o statusu socijalnih/javnih servisa i potencijalnim rješenjima na nivou JLS. U sklopu radnog sastanka fokus grupa, definisani su glavni i potencijalni izazovi, ali i ambicije Tešnja u razvoju socijalnih servisa. U tom smislu, cilj je osnovati Centar žene za žene“, u kojem bi se žene upoznavale sa svojim pravima, vršila bi se edukacija nezaposlenih žena,... Konkretan prijedlog je da se u periodu oktobar – novembar 2019. održi panel diskusija u Društvenom centru, koja bi okupila mlade i uspješne žene iz sfere politike, biznisa, društvenog života.

Ad 3. Predsjednica Komisije Alisa Ramić – Dudić je informisala sve članove da je učestvovala na obuci službenika/ca za praćenje provedbe Zakona o ravnopravnosti spolova na lokalnom nivou. Obuka se održala u Doboju 18.6.2019. a općinu Tešanj je pored nje, predstavljala i službenica Kanita Gredelj. Obuci su prisustvovali predstavnici JLS Gradačac, Teslić, Kalesija, Tuzla, Doboj, Brčko i Tešanj. Učesnici su upoznati sa zakonskim okvirima, procesima izrade i realizacije gender akcionog plana.


Ad 4. Razgovarano je o mogućim poboljšanjima u radu.

Tešanj, 25.6.2019.



Predsjednica:

Alisa Ramić - Dudić



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanja mladih i ravnopravnost polova**

Datum: 18.06.2019.godine

Predmet: **Zapisnik sa Sjednice Komisije za pitanja mladih i ravnopravnost spolova**

Sjednica je održana 18.06.2019. godine, u novoj sali općinskog vijeća od 09.00h – 10.00h.  
Prisutni su bili svi članovi Komisije: Alisa Ramić – Dudić, Fahira Kašibović, Alma Hadžan i tehnički sekretar Sajda Klepić.

**DNEVNI RED:**

1. Usvajanje Zapisnika sa prethodne Sjednice,
2. Inicijativa za izradu novog Gender akcionog plana,
3. Pristigla ponurta Pozorišta mladih Tuzla,
4. Rezervisanje sale radi održavanja prezentacija u narednom periodu.

**REALIZACIJA:**

Ad 1.

Zapisnik sa prethodne Sjednice Komisije je nakon uvida usvojen jednoglasno od strane svih članova.

Ad 2.

Nakon diskusije u kojoj je tehnički sekretar pojasnio proceduru za pokretanje inicijativa, članice Komisije su istakle da imaju opravdane razloge za pokretanje iste i jednoglasno su usvojile

Zaključak

Da se Općinskom vijeću Tešanj uputi inicijativa za izradu novog Gender akcionog plana za općinu Tešanj.

Ad 3.

Predsjednica Komisije je prisutne informisala o pristigloj ponudi Pozorišta mladih Tuzla o uspostavljanju saradnje sa našom općinom kroz projekat „Dramskog studija za djecu, mlade i odrasle“ u Tešnju po modelu rada Pozorišta mladih Tuzla.

Nakon provedene diskusije, Komisija je je jednoglasno usvojila

Zaključak

Da se Općinskom vijeću uputi prijedlog o prihvatanju Ponude Pozorišta mladih Tuzla na osnovu Člana 33 tačka c) koji glasi „Komisija predlaže programe i projekte kreativnog angažovanja mladih u oblasti kulture, edukacije, sportskih aktivnosti i sl.“

Ad 4.

Nakon iskazane potrebe za prostorom za održavanje edukacija u narednom periodu u poslijepodnevним satima Komisija je na prijedlog tehničkog sekretara jednoglasno usvojila

Zaključak

Zadužuje se tehnički sekretar Sajda Klepić da iskordinira i traži saglasnost Društvenog centra Dobropolje - Mekiš za povremeno korištenje sale.



Predsjednica komisije  
  
Alisa Ramić - Dudić



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanja mladih i ravnopravnost polova**

---

Datum: 27.5.2019.

**Predmet: Zapisnik sa Sjednice Komisije za pitanja mladih i ravnopravnost spolova**

Sjednica je održana 27.5.2019. godine, u novoj sali općinskog vijeća u 16.30h  
Prisutni su bili svi članovi Komisije: Alisa Ramić – Dudić, Muhamed Agić, Elma Ćeman, Fahira Kašibović i Alma Hadžan.

Zapisnik vodi Alisa Ramić – Dudić.

**DNEVNI RED:**

1. Usvajanje Zapisnika sa prethodne Sjednice,
2. Izvještaj predsjednice Komisije o sastanku sa neformalnom grupom žena koje pokreću inicijativu za izradu novog gender akcionog plana općine Tešanj,
3. Razno.

**REALIZACIJA:**

Ad 1. Zapisnik sa prethodne Sjednice Komisije je nakon uvida usvojen jednoglasno od strane svih članova.

Ad 2. Kako je i dogovoreno na prethodnoj Sjednici, predsjednica Komisije Alisa Ramić – Dudić je održala sastanak sa neformalnom grupom žena, na čelu sa Mirelom Buljubašić, koje pokreću inicijativu za izradu novog gender akcionog plana za općinu Tešanj.

Sastanak je održan u petak, 17.5.2019.godine u 12h, u staroj sali OV (u potkrovlju). Sastanku su prisustvovala: Mirela Buljubašić, Suada Mujkić, Emina Ajanović, Senaida Karagić, Jasmina Jabandžić i Alisa Ramić – Dudić.

Mirela Buljubašić, kao inicijatorica ove inicijative, iznijela je i obrazložila potrebu da se izradi gender akcioni plan općine Tešanj, jer je primijetila da u Strategiji razvoja općine Tešanj 2018 – 2022. takav plan ne postoji, a žene se itekako susreću sa različitim problemima ( ne poznavanje svojih prava, nasilje u porodici, ekonomska ovisnost, problemi zdravstvene zaštite,...)

Suada Mujkić, predsjednica Udruženja žena „Ruka“ Kalošević, iznijela je problem osnivanja većeg broja udruženja koja su osnovana samo da bi dobila podsticaj od Općine, a inače su neaktivna. Njeno Udruženje ima veliki broj projekata, aktuelnih, samoodrživih, ali dobijaju minimalne podsticaje od Općine. Prijedlog je da se o tome povede računa pri dodjeli sredstava.

Emina Ajanović je predložila da se od Općine traži prostor gdje bi se žene okupljale, osnivale grupe podrške, realizovale neke edukativne aktivnosti, i sl. Također je istakla i problem marginalizacije žena treće dobi.


Senaida Karagić je primijetila da su žene prilično neaktivne i da treba napraviti radionice i druženja kako bi se aktivirale i afirmisale i djevojke i starije žene.


Nakon što su prepoznate smjernice koje trebaju biti obuhvaćene u tom novom gender akcionom planu, sve prisutne su se složila da je ova inicijativa odlična i neophodna, te da Mirela Buljubašić napravi Nacrt tog plana i da se ponovo sazove ovakav sastanak.

Alisa Ramić – Dudić je Komisiji podnijela ovaj izvještaj uz prijedlog da se sad traži saglasnost Općinskog vijeća za izradu novog gender akcionog plana općine Tešanj.

Ad 3. Prisutni članovi Komisije imaju dileme kada su u pitanju nadležnosti, ingerencije i mogućnosti u radu ove Komisije, pa bi na sljedeći sastanak bilo dobro pozvati predsjedavajućeg OV Senada Subašića, radi konsultacija.

Tešanj, 27.5.2019.

Predsjednica:  
  
Alisa Ramić Dudić





**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE  
Komisija za pitanja mladih i ravnopravnost polova**

---

Datum: 13.5.2019.

Predmet: **Zapisnik sa Sjednice Komisije za pitanja mladih i ravnopravnost spolova**

Sjednica je održana 13.5.2019. godine, u novoj sali općinskog vijeća u 16.30h  
Prisutni su bili svi članovi Komisije: Alisa Ramić – Dudić, Muhamed Agić, Elma Ćeman, Fahira Kašibović i Alma Hadžan.

Zapisnik vodi Alisa Ramić – Dudić.

**DNEVNI RED:**

1. Usvajanje Zapisnika sa prethodne Sjednice,
2. Informacija o inicijativi neformalne grupe žena o izradi novog gender akcionog plana,
3. Konsultacije oko izrade plana rada Komisije za pitanja mladih i ravnopravnost spolova,
4. Razno.

**REALIZACIJA:**

Ad 1. Zapisnik sa prethodne Sjednice Komisije je nakon uvida usvojen jednoglasno od strane svih članova.

Ad 2. Predsjednica Komisije Alisa Ramić – Dudić je informisala sve članove da je kontaktirana od strane neformalne grupe žena na čelu sa Mirelom Buljubašić, koje iznose inicijativu za izradu novog gender akcionog plana za općinu Tešanj. Elma Ćeman je predložila da se sa navedenom grupom održi radni sastanak, te da se dobiju informacije o prijedlozima te grupe žena i prirodi njihove inicijative. Na prijedlog Muhameda Agića, za organizaciju i održavanje tog sastanka zadužuje se predsjednica Alisa Ramić – Dudić.

Ad 3. U okviru konsultacija oko izrade plana rada ove Komisije, Muhamed Agić je predložio da se odrede neki kratkoročniji ciljevi koji su realniji za ostvarivanje, te da se fokusiramo na neke najvažnije oblasti, npr. obrazovanje, zaštita zdravlja, prevencija nasilja u porodici,... Ranija predsjednica Komisije za ravnopravnost spolova, Alma Hadžan, je izrazila nezadovoljstvo saradnjom sa nekim općinskim institucijama zbog nedostavljanja traženih informacija, zbog čega neke planirane akcije nisu mogle biti sprovedene. Muhamed Agić je predložio da Komisija ponudi formalnim i neformalnim udruženjima mladih i udruženjima žena projekte koji stižu na adresu općine Tešanj, kako bi se ove grupe još više aktivirale. U tom smislu se zadužuje Elma Ćeman da do sljedeće sjednice Komisije od Hasana Plančića pribavi spisak udruženja koje egzistiraju na području općine Tešanj, a sa kojima bi mogao biti ostvaren kontakt i uspostavljena saradnja u realizaciji projekata i inicijativa iz oblasti djelovanja ove Komisije.

Alma Hadžan je napomenula da svaka akcija i inicijativa koju planiramo, mora ići preko Općinskog vijeća i tamo dobiti zeleno svjetlo.

Dogovoreno je da za sljedeći sastanak svaki član pripremi nacrt plana rada Komisije, kako bi se u najskorije vrijeme izvršilo usaglašavanje i usvajanje tog plana.

Ad 4. Alisa Ramić – Dudić je predložila da bi Komisija trebala inicirati osnivanje udruženja žena u mjesnim zajednicama u kojima takvog udruženja nema, te da se uspostavi kontakt i koordinacija sa udruženjima koja već postoje. Ostali članovi su imali neke primjedbe u tom smislu da postoje različite otežavajuće okolnosti za takve aktivnosti, kao npr. za osnivanje i rad udruženja građana potrebna su finansijska sredstva, prostor za njihov rad, plan rada, podnositi izvještaje o radu,... To su upravo razlozi zbog kojih se takva udruženja teže ili nikako ne osnivaju. Istaknut je poseban problem inercije i nezainteresovanosti mladih za aktivizam i volonterski rad.

Tešanj, 13.5.2019.



Predsjednica komisije

Alisa Ramić - Dudić



**BOSNA I HERCEGOVINA**  
**FEDERACIJA BOSNE I HERCEGOVINE**  
**ZENIČKO-DOBOJSKI KANTON**  
**OPĆINA TEŠANJ**  
**OPĆINSKO VIJEĆE**  
**Komisije za pitanja mladih i ravnopravnost polova**

**Datum: 23.04.2019. godine**

## **ZAPISNIK**

sa sastanka Komisije za pitanja mladih i ravnopravnost polova održanog dana 23.04.2019.godine godine u Saki Općinskog vijeća, s početkom u 16,30 sati

Prisutni: Hadžan Alma, Kašibović Fahira, Ćeman Elma, Agić Muhamed, Ramić-Dudić Alisa i Sajda Klepić, tehnički sekretar Vijeća.

S obzirom da Komisija nije izabrala predsjednika niti zamjenika, tehnički sekretar Vijeća Sajda Klepić je za predložila sljedeći

### **DNEVNI RED:**

1. Izbor predsjednika i zamjenika predsjednika Komisije,
2. Učešće na UNDP projektu „Žene na izborima u Bosni i Hercegovini“.

Članovi Komisije su jednoglasno prihvatili prijedlog.

### **Ad.1**

Nakon diskusije o radu radnih tijela Općinskog vijeća u ranijem periodu (Komisije za pitanja mladih i Komisije za ravnopravnost polova), članovi Komisije su jednoglasno za predsjednicu Komisije izabrali Ramić-Dudić Alisu a za zamjenicu Ćeman Elmu.

### **Ad.2**

Tehnički sekretar je članove Komisije informisala o projektu „Žene na izborima u Bosni i Hercegovini“, koji podržava Vlada Švedske a provodi UNDP u partnerstvu sa Centralnom izbornom komisijom BiH, Komisijom za ostvarivanje ravnopravnosti spolova Predstavničkog doma Parlamentarne skupštine BiH, Agencijom za ravnopravnost spolova BiH, Gender centrima Republike Srpske i FBiH.

Projekat planira pružiti podršku općini u periodu od 2018 do 2020.godine u segmentu osnaživanja angažmana žena u javnom životu. Ovaj projekat će gdje god to bude bilo moglo usko surađivati sa projektom „Jačanje uloge mjesnih zajednica u BiH“.

Nakon diskusije u kojoj su učestvovali svi prisutni Komisija je jednoglasno usvojila


### **Zaključak**

Da predsjednica Komisije Ramić-Dudić Alisa i zamjenica Ćeman Elma učestvuju u projektu „Žene na izborima u Bosni i Hercegovini“

Tehnički sekretar se obavezuje da menadžeru projekta putem Službe za društvene djelatnosti dostavi podatke o učesnicama.

Sastanak završeni u 17,10 sati.

**PREDSJEDNICA KOMISIJE**

  
Ramić-Dudić Alisa